



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3183/09
Sarajevo, 4.12.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

04-12-2009

Organizaciona jedinica	Klasifikaciona oznaka	Radni broj	Broj prijema

01-50-1-1561/09

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 106. sjednici održanoj 3.12.2009. godine, utvrdilo je Odgovor na zastupničko pitanje koje je Jerko Ivaković Lijanović, zastupnik u Zastupničkom domu Parlamentarne skupštine Bosne i Hercegovine, postavio na 61. sjednici ovog doma održanoj 30.9.2009. godine.

U pritvku dostavljamo Odgovor uz molbu da isti uručite zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3183/09
Sarajevo, 3.12.2009. godine

Jerko Ivanković Lijanović, zastupnik u Zastupničkom domu Parlamentarne skupštine Bosne i Hercegovine, na 61. sjednici Zastupničkog doma održanoj 30.9.2009. godine, postavio je sljedeće zastupničko pitanje:

“Na osnovu koje kalkulacije ste došli do podataka da će u slučaju usvajanja Zakona o trošarinama u Bosni i Hercegovini, najjeftinije cigarete u Bosni i Hercegovini koštati 3,5 KM, a što je više nego u Republici Hrvatskoj? Molim vas da dostavite otvorenu kalkulaciju sa svim stavkama iz Republike Hrvatske i Bosne i Hercegovine za iste cigarete kako bi potkrijepili navode navedene u mišljenju.”

Na postavljeno pitanje, Vijeće ministara Bosne i Hercegovine je na 106. sjednici održanoj 3.12.2009. godine, utvrdilo sljedeći

ODGOVOR

Odredbama članka 25. stavak (1) Zakona o trošarinama u Bosni i Hercegovini (“Službeni glasnik BiH”, broj 49/09), između ostalog je propisano da duhanske prerađevine koje se stavljaju u promet u pakovanjima predviđenim za prodaju na malo u Bosni i Hercegovini moraju biti obilježene trošarinskim markicama, a stavkom (5) istog članka propisuje se da porezni obveznik mora prijaviti Upravi za neizravno oporezivanje maloprodajne cijene duhanskih prerađevina koje će štampati na trošarinskim markicama prije njihovog stavljanja u promet.

Člankom 19. stavak (1) Pravilnika o primjeni Zakona o trošarinama u Bosni i Hercegovini (“Službeni glasnik BiH”, broj 50/09), propisano je da obveza obračunavanja akcize za duhanske prerađevine nastaje podnošenjem zahtjeva za štampanje trošarinskih markica za duhanske prerađevine, te da je prilikom podnošenja zahtjeva za štampanje obveznik dužan dostaviti kalkulaciju maloprodajne cijene.

Iz navedenog proizilazi da je na poreznom obvezniku izrada kalkulacije za promet duhanskih prerađevina, koju je dužan dostaviti Upravi za neizravno oporezivanje, odnosno da je izrada kalkulacije tj. formiranje cijena cigareta slobodno i ničim ograničeno.

Prema našoj evidenciji, najniža prijavljena cijena cigareta za jednu paklicu, nakon početka primjene predmetnog Zakona o trošarinama u Bosni i Hercegovini, iznosi 1,20 KM.

Nije nam poznato da je bilo tko ispred Uprave za neizravno oporezivanje sačinjavao kalkulaciju duhanskih prerađevina, niti takve kalkulacije mogu imati obvezujuću snagu.

Zvanični podaci o kalkulaciji najjeftinijih cigareta u Republici Hrvatskoj, nisu nam poznati, pa ni izjašnjenje u tom pogledu nije moguće.